

# Projek De'Asli bawa tuah

**P**rojek Development Education of Orang Asli (De'Asli) membawa tuah kepada pasukan Duta Jauhar Universiti Sains Islam Malaysia (USIM) apabila dipilih menerima Anugerah Emas dalam Kongres Anugerah Duta Jauhar 2.0 di sini, baru-baru ini.

Kemenangan itu membolehkan Duta Jauhar USIM yang terdiri daripada 30 mahasiswa USIM membawa pulang hadiah wang tunai RM1,500, piala iringan dan sijil penghargaan.

Selain Anugerah Emas, kumpulan Duta Jauhar USIM turut merangkul Anugerah Khas Yayasan Pelajaran Johor (Mahasiswa dan Universiti Paling Komited) dengan hadiah wang tunai RM2,000, piala dan sijil.

## Impak positif

Anugerah lain adalah Anugerah Perak (Program Cinta Warga Emas Pagoh), Anugerah Komuniti Terbaik (Masyarakat Orang Asli Segamat Kechil), dan Anugerah Penyerta Terbaik (Siti Nurulhuda Nordin).

Majlis penyampaian hadiah disempurnakan Menteri Besar Johor, Datuk Seri Khaled Nordin.

Ahli Duta Jauhar USIM, Muhammad Hafiz Jalil, 23,



*Kumpulan Duta Jauhar USIM bersama hadiah yang dimenangi.*

berkata projek De'Asli memabatkan masyarakat Orang Asli di Kampung Orang Asli Segamat Kechil, Segamat dilaksanakan sejak Mei tahun lalu, berjaya memberi impak positif.

Katanya, perubahan ketara boleh dilihat terutama dalam aspek meningkatkan minat pendidikan dalam kalangan

anak-anak Orang Asli.

"Dengan menggunakan modul Fun Learning yang dihasilkan sendiri oleh Duta Jauhar USIM, anak-anak Orang Asli dapat belajar dengan lebih baik seterusnya meningkatkan prestasi mereka dalam Ujian Pencapaian Sekolah Rendah.

"Projek ini ternyata mem-



*Modul Fun Learning yang digunakan dalam Projek De'Asli berjaya meningkatkan minat anak-anak Orang Asli dalam pelajaran.*

beri kesedaran kepada masyarakat Orang Asli mengenai kepentingan pendidikan

untuk menjamin kehidupan lebih baik pada masa akan datang," katanya.